



*Selasa, 22 Pebruari 2022*

**Ogen: Jesaya 54:5-6**



**DIBATA KAP KEKELENGENDU**



Erbage cara Dibata ncidahkan kekelengenNa man bangsaNa. Amin bage gia bangsa enda tetap mekung, amin ibas pembuangan pe erkiteken salah dosana. Jesaya nuriken keleng ate Dibata man bangsana kerna padan Dibata man bangsa enda sabab situhuna enggo bene kerina pengarapenna erkiteken pembuangan e. Tentuna berita e jadi sada pengarapenman bangsa e. Igambarkan Jesaya keleng ate Dibata e desken perbulangen ras ndehara. Ija perjabun e iiket alu perpadanen, ngaloken sada ras sidebanna, setia ibas perjabun.

Sinepa kam eme perbulangenendu , gelarna eme Tuhan simada kuasa. Bageme cara Jesaya tole mpetandaken Dibata man bangsa enda, kuga paguhna iketen dengen kuga deherna ia ras Dibata. Dibata e simada kuasa, simerentah doni tentuna bangsa-bangsa sideban termasuk singkuasai ia. Dibata desken perbulangen kekelengen bangsa e.

Bangsa e desken sekalak ndehara, nguda denga tapi itadingeken perbulangenna, kecibalna e tentuna erbahan ceda kal atena. Ibas kecibal sibage iapuli Jesaya bangsa enda, amin itadingken reh denga nge perbulangenna e. IlebuhNa mulih. IpelimbaruiN a perpadanenna gelah tetap setia.

Gambaren siibahan Jesaya arah teks enda mpersingeti kita maka ibas perjabun banci turah kelasetian, selingkuh janah enda jadi perubaten. Siselingkuh dengen la setia e Israel desken sekalak ndehara sierbahanca itadingken perbulangenna. Tapi keleng ate lebih belin asangken nembekh ate. Iulih perbulangena denga nge sabab ngasup ia ngalemi dengen ngaloken ndeharana amin iukumna alu nadingkenca kentsik. Dibata e dem keleng ate siperlu ula kal mpeturah ras benaken nggeluh jadi kalak si la setia, labo kiniulin ulihna tapi ceda ate. Amin lit pengampunen tapi la perlu erbahan salah.